

明

史

明史卷六十八

志四十二

樂四 朝賀宴饗樂舞器服 樂章

陞殿 還宮 百官行禮 命婦朝賀中
宮 命婦朝賀 太后 大宴 小宴 皇
后親饗宴命婦 東宮宴王國樂附

朝賀樂

樂器

洪武三年定丹陛大樂簫四笙四篳篥四方響鼓四頭
管四龍笛四琵琶六箏六杖鼓二十四大鼓二板二
二十六年定殿中韶樂簫十二笙十二排簫四橫笛
十二塤四篪四琴十瑟四編鐘二編磬二應鼓二祝

一敔一搏拊二丹陛大樂戲竹六簫十二笙十二篳
十二頭管十二箏八琵琶八二十絃八方響二鼓
拍板八杖鼓十二嘉靖間丹陛大樂奏于奉天門

樂章

洪武三年定陞殿奏飛龍引之曲百官行禮奏風雲
會喜昇平之曲丞相致詞奏慶皇都之曲還宮奏賀
聖朝之曲俱見後宴饗九奏中

二十六年更定陞殿韶樂奏聖安之曲

乾坤日月明八方四海慶太平龍樓鳳閣中扇開簾
捲帝玉興聖感天地靈保萬壽洪福增祥光王氣生

陞寶位永康寧

還宮韶樂奏定安之曲

九五飛聖龍十邦萬國敬依從鳴鞭三下同公卿環
珮響玎玲掌扇護御容中和樂音呂濃翡翠錦繡擁
還華蓋赴龍宮

百官行禮大樂作奏萬歲樂朝天子之曲

萬歲樂

雨順風調昇平世萬萬年山河社稷八方四面干戈
息慶龍虎風雲會

朝天子

聖德聖威洪福齊天地御塔前文武兩班齊擺列在
丹墀內舞蹈揚塵山呼萬歲統山河壯帝畿禮儀讚
稽慶龍虎風雲會

中宮正旦冬至千秋節命婦朝賀女樂

洪武二十六年定

樂器

戲竹二簫十四笙十四笛十四頭管十四箏十琵琶
八二十絃八方響六鼓五拍板八杖鼓十二

樂章

天香鳳韶

寶殿光輝晴天映懸玉鈎珍珠簾櫳瑤觴舉時簫韶

勳慶大宴來儀鳳昭陽玉帛齊朝貢譜孝慈賢助仁
風歌謠正在昇平中謹獻上齊天頌

太皇太后皇太后聖旦正旦冬至命婦朝賀女樂

樂器 典中宮同

樂章

天香鳳韶

龍樓鳳閣彤雲曉開綉幕天香芬馥瑤堦春暖千花
簇壽聖母齊頌祝御筵奏獻長生曲坤道寧品類咸
育和氣四時調玉燭享萬萬年太平福

朝賀樂

朔望朝參同

樂器

箴竹二簫四笙四笛四頭管四箏二琵琶二二十絃
二方響一鼓一拍板二杖鼓六

樂章

陞座 還宮 百官行禮奏千秋歲之曲

堯年舜日勝禹周慶雲生繚繞鳳樓風調雨順五谷
收萬民暢歌謳

大宴樂

廟樂器

洪武三年定殿內侑食樂簫六笙六歌工四丹陸大

樂戲竹二簫四笙四琵琶六箏六篪篥四方響四頭
管四龍箏四杖鼓二十四大鼓二板二文武二舞樂
器笙二橫管二箏二杖鼓二大鼓一板一四疊舞樂
器腰鼓二琵琶二胡琴二篪篥二頭管二羌笛二箏
二冰盞一板一

二十六年定殿內侑食樂祝一歌一搏拊一琴四瑟
二簫四笙四箏四壎二篪二排簫一鐘一磬一應鼓
一丹陛大樂戲竹二簫四笙四箏二頭管二琵琶二
箏二二十絃二方響二杖鼓八鼓一板一迎膳樂戲
竹二笙二箏四頭管二箏二杖鼓一鼓一板一進膳

樂笙二簫二杖鼓八鼓一板一九羊清樂笙四四

頭管二簫四方響一杖鼓八小鼓一板一

永樂間定殿內侑食樂麾一簫四笙四笛四塤二箎

二排簫二琴四編鐘一編磬一祝一敔一搏拊一應

鼓一黃童白叟鼓腹謳歌承應樂笛四大鼓一小鼓

一鼗子二拍板二酒壺一酒鐘一杖鼓二四舞樂

笛二頭管二簫二琵琶二水盞一鼗子二拍板一二

十絃二丹陛大樂戲竹二簫十二笙十二笛十二頭

管十三簫八琵琶八二十絃八方響二鼓一拍板六

杖鼓十二導膳樂戲竹二笙六笛六頭管六簫四鼓

一 拍板二杖鼓八迎膳樂笙四笛四頭管四纂四方
響一大鼓一拍板一杖鼓四進膳樂笙四笛四頭管
四纂二方響一鼓一拍板一杖鼓四

樂舞

武舞用舞士三十二人皆左執干干長三尺五寸上
濶一尺下廣六寸朱質上畫雉羽中畫升龍雲氣右
秉戚戚長二尺五寸朱紅漆柄金妝戚斧分爲四行
每行八人舞作發揚蹈厲坐作擊刺之狀舞師二人
執旌以引之旌長七尺五寸朱紅漆柄金龍吞口懸
五色羽九層每層用塗金寶蓋紅綵縹穿末垂綵結

子文舞用舞士三十二人皆左執籥籥長一尺五寸

朱紅漆笙竹爲之上間三竅右東翟翟長三尺五寸

朱紅漆柄金龍吞口上綴雉羽五層每層用塗金寶

蓋紅綵條穿末用紅條結子分爲四行每行八人舞

作進退舒徐揖讓升降之狀舞師二人執翽以引之

翽長七尺五寸朱紅漆柄金龍吞口懸白鷺羽九層

每層用塗金寶蓋紅綵條穿末垂紅綵結子四彛舞

用舞士十六人東彛西戎南蠻北狄四人分爲四行

舞作拜跪朝謁喜躍俯伏之狀舞師二人執幢以引

之幢長六尺五寸朱紅漆柄金龍吞口懸五綵羅五

層每層綴五色銷金吹帶末垂紅綵結子永樂間表
正萬邦舞皆執干一小斧一天命有德舞皆執紅漆
羽籥雉雞尾引舞者皆執紅纓纛

樂工服色

洪武三年定殿內樂工皆戴中華一統巾衣紅羅生
色大袖衫畫黃鸞鸚鵡花樣紅生絹襯衫錦領杏紅
絹裙白絹大口袴青綵條白絹襪茶褐鞋和聲郎戴
皂羅潤帶巾衣青羅大袖衫紅生絹襯衫錦領塗金
束帶皂靴丹陛大樂工皆戴曲脚幞頭衣紅羅生色
畫花大袖衫塗金束帶紅絹擁項紅結子皂皮靴文

武二舞樂工皆戴曲脚幞頭衣紅羅生色畫花袂袖
衫塗金束帶紅絹擁項紅結子皂皮靴四晏舞樂工
皆戴蓮花帽衣諸色細褶襖子白銷金汗袴紅銷金
緣紅絹束腰紅羅擁項紅結子花靴永樂以後同

舞工服色

洪武三年定武舞士皆冠黃金束髮冠紫綵纓青羅
生色畫舞鶴花樣容袖衫白生絹襯衫錦領紅羅銷
金大袖罩袍紅羅銷金裙皂生色畫花緣襪白羅銷
金汗袴藍青羅銷金線紅絹擁項紅結子紅絹束腰
塗金束帶青綵大條錦臂鞞皂皮綠雲頭靴舞師工

峽冠黃金束髮冠紫綵纓青羅大袖衫白絹襯衫錦
領塗金束帶綠雲頭皂靴文舞士皆冠黑光描金方
山冠青綵纓衣素紅羅大袖衫紅生絹襯衫錦領紅
羅攏項紅結子塗金束帶白絹大口袴白絹襪茶褐
靴舞師工人冠黑漆描金方山冠青綵纓青羅大袖
衫紅生絹襯衫錦領塗金束帶白絹大口袴白絹襪
茶褐靴四晏舞士東晏四人椎髻于後繫紅銷金頭
繩紅絹銷金襪額中綴塗金博山兩旁綴塗金巾環
明金斗環青羅生色畫花大袖衫紅生色領袖紅羅
銷金裙青銷金裙緣紅生絹襯衫錦領塗金束帶烏

皮靴西戎四人間道錦纏頭明傘汗環紅紵線細摺
襖子大紅羅生色雲肩綠生色綠藍青羅銷金汗襖
紅銷金綠繫腰合鉢十字泥金數珠五色銷金羅香
囊紅絹擁項紅結子赤皮靴南蠻四人縮朝天髻繫
紅羅生色銀錠兒紅銷金抹額明金斗環紅織金短
袴子綠織金細摺短裙絨錦袴子間道紵綵手巾泥
金項牌金珠纓珞綴小金鈴兒錦行纏泥金獅蠻帶
綠銷金擁項紅結子赤皮靴北狄四人戴單于冠貂
鼠皮簷兒雙垂髻紅銷金頭繩紅羅銷金抹額諸色
細摺襖子藍青生色雲肩紅結子紅銷金汗襖繫腰

合蘇皂皮靴舞師二人戴白捲簷纒帽塗金帽頂一
撒紅纒子羅帽襟紅綠金繡襦子白銷金紅袴藍青
銷金綠塗金束帶緣擁項紅結子赤皮靴

永樂間定平定天下舞用三十二人皆服青羅包巾
青紅綠玉色羅銷金胷襖子渾金銅帶紅羅袴襖
皂雲頭靴青綠羅銷金包臀引舞二人同撫安四羹
舞用十六人高麗舞四人皆服笠子青羅銷金胷背
襖子銷帶皂靴琉球舞四人皆服綿布花手巾青羅
火袖襖子銅帶白碾光絹問道踢袴皂皮靴北番舞
四人皆服狐帽青紅紵綵銷金襖子銅帶伍魯速回

回舞四人皆服青羅帽比里罕綿布花汗巾銅帶皂靴引舞二人皆服紅羅帽紅羅銷金項帕紅青綠羅銷金襖子紅羅褶博紅青綠羅銷金包臀皂雲頭靴軍書會同舞用三十二人皆服皂羅頭巾青綠玉色皂緣邊襖茶褐線條皂皮四縫靴引舞二人同表正萬邦舞用六十四人皆服青羅包巾紅羅銷金項帕紅生絹錦領中單紅生絹銷金通袖襖子青綿條銅帶綴錦臂鞵皂雲頭靴各包羅銷金包臀紅絹褶襖引舞二人同天命有德舞用六十四人皆服青幪紗如意冠紅生絹錦領中單紅生絹大袖花各色絹線

畫直纒黑角偏帶藍絹綵皂雲頭皮靴白布襪引舞
二人同

樂章

樂武三年定

一奏起臨濠之曲 名飛龍引

千載中華生聖主王氣成龍虎提劍起淮西將勇師
雄百戰收強鹵 驅馳鞍馬經寒暑將士同甘苦次
第靜風塵除暴安民功業如湯武

二奏開太平之曲 名風雲會

玉壘瞰江城風雲繞帝營駕樓船龍虎縱橫飛砲發

機驅六甲降鹵將勝敵兵
談策學長鯨三軍勇氣
增一戎衣宇宙清寧從此華爨歸一統開帝業慶昇
平

三奏安建業之曲 名慶皇都

虎踞龍蟠佳麗地真主開基千載風雲會十萬雄兵
屯鐵騎臺臣守將皆奔潰 一洗煩苛施德惠里巷
謳歌田野騰和氣王業弘開千萬世黎民咸仰雍熙
治

四奏削羣雄之曲 名喜昇平

持黃鉞削平荆楚清吳越清吳越慕秦朝晉幾多豪

傑出幽燕齊魯風塵凜伊涼蜀隴人心悅人心悅車
書一統萬方同轍

五奏樂曲都之曲名賀聖朝

天運推遷鹵運移王師北討定燕畿百年禮樂重興
日四海風雲慶會時除暴虐撫瘡痍漠南爭覩舊
威儀君王聖德容降鹵三恪衣冠拜玉墀

六奏撫四彝之曲名龍池宴

海波不動風塵靜中國有真人文身交趾羶裘金齒
重譯來賓奇珍異產梯山航海奉表稱臣白狼元
豹九苞丹鳳五色麒麟

七奏定封賞之曲 名九重歡

乾坤清廓論功定賞策勳封爵玉帶金符貂蟬簪珥
形圖麟閣 奉天洪武功臣佐興運文經武畧子子
孫孫尊榮富貴久長安樂

八奏大一統之曲 名鳳凰吟

大明天子駕飛龍開疆宇定王封江漢遠朝宗慶四
海車書會同 東晏西旅北戎南越都入地圖中遐
邇暢皇風億萬載時和歲豐

九奏守承平之曲 名萬年春

風調雨順遍乾坤齊慶承平時節玉燭調和甘露降

遠近桑麻相接偃武修文報功崇德率土皆臣妾山
河盤固萬方黎庶歡悅長想創業艱難君臣曾共
掃四方豪傑露宿宵征鞍馬上歷盡風霜冰雪朝野
如今清寧無事任用須賢哲躬勤節儉萬年同守王
業

右九奏前三奏和緩中四奏壯烈後二奏舒長
其曲皆按月律

十二月按月樂歌

正月太簇本宮黃鐘商俗名大石 曲名萬年

春

奉天承運秉黃麾志在安民除惡曾觀中天騰王氣
五色虹霓千尺龍繞兜鍪神迎艘艦嘉應非人力鳳
凰山上慶雲長繞峰石天助神武成功人心效順
所至皆無敵手握乾符開寶祚畧定山河南北飲馬
江淮列營河漢四海風波息師雄將猛萬方齊仰威
德

二月夾鐘本宮夾鐘宮俗名中呂 曲名玉街
行

山林豺虎中原狐兔四海英雄無數大明真主起臨
濠震於赫戎衣一怒 星羅玉壘雲屯鐵騎一掃乾

坤烟霧黎民重觀太平年萬里山河盤固

三月姑洗本宮太簇商俗名大石 曲名賀聖

朝

雲氣朝生芒碭間虹光夜起鳳凰山江淮一日真主
出華夏千年正統還 瞻日角觀天顏雲龍風虎竟
追攀君臣勤苦成王業王業汪洋被百蠻

四月仲呂本宮無射徵俗名黃鐘正徵 曲名

喜昇平

風雲密濠梁千載真龍出鯨鯢豺虎掃除無迹 江
河從此波濤息乾坤同慶承平日華燹萬里地圓歸

五月蕤賓本宮姑洗商俗名中管雙調 曲名
樂清朝

中原鹿走英雄起回首四郊多壘英主倡兵淮水將
士皆雄偉百靈護助人心喜一呼萬人風靡談笑
掃螻蟻王業從茲始

六月林鐘本宮夾鐘角俗名中呂角 曲名慶
皇都

王氣呈祥飛紫鳳虎嘯龍興千里旌旗動四海歡呼
師旅衆天戈一指風雲從一將士爭先民樂用駕御

英雄聖德皆天縱
率土華彝歸職貢
詞臣拜獻河清頌

七月彛則本宮南呂商俗名中管商角 曲名

永太平

鳳凰佳氣好王師
起氣乾坤初曉
淮水西邊五色慶
雲繚繞三尺龍泉似水更
百萬貔貅熊豹軍
冷悄魚麗鵝
勸風雲蛇鳥 赳赳電掣鷹揚在
伐罪安民去殘除
暴天與人歸
豪傑削平多少
萬里烟塵淨
洗正紅日一輪
高照膺大寶
王業萬年相保

八月南呂本宮南呂宮俗名中管仙呂 曲名

鳳凰吟

紫微翠蓋擁蓬萊
聖天子帝圖開
曆數應江淮
看五色雲生上台
櫛風沐雨攻堅擊銳
將士總英才
躍馬定塵埃
創萬古山河壯哉

九月無射本宮無射宮俗名黃鐘 曲名飛龍

引

千載中華生聖主
王氣成龍虎
提劍起淮西
將勇師雄百戰收強鹵
驅馳鞍馬經寒暑
將士同甘苦
次第靜風塵
除暴安民功業如湯武

十月應鐘本宮姑洗徵俗名中呂正徵 曲名

龍池宴

大明英主承天運，倡義擁天戈。
星辰旋繞風雲圖，護龍虎魔訶。
旌旗所指羗彝納款，江海停波。
從今平定萬年疆宇，百二山河。

十一月黃鐘本宮彝則角俗名仙呂角 曲名

金門樂

慶皇明聖主開寶祚，起臨濠正汝穎塵飛。
江淮浪捲赤子呼號，天戈奮然，倡義擁神兵。
百萬總英豪，貔虎朝屯壁壘，虹霓夜繞弓刀。
鳳凰山勢聳層霄，佳氣五雲高。
愛士伍同心，君臣協力，不憚勤勞。
風雲相會。

看魚龍飛舞出波濤靜掃八方氣復咸聽九奏蕭韶
十二月大呂本宮大呂宮俗名高宮 曲名風

雲會

天眷顧淮西真人起布衣正乾剛九五龍飛駕馭英
雄收俊傑承永命布皇威 一劍立鴻基三軍擁義
旗望雲霓四海人歸整頓乾坤除暴虐歌聖德慶雍
熙

右十二曲按月律奏之

武舞曲 名清海宇

拔劍起淮土策馬定寰區王氣開天統寶曆應乾符

武畧文謨龍虎風雲創業初
將軍星繞弁勇士月
彎旒選騎平南楚結陣下東吳跨蜀驅
萬里山河
壯帝居

文舞曲 名秦階平

乾清坤寧治功告成武定禍亂文致太平郊則盡其
禮廟則盡其誠卿雲在天甘露零風雨時若百谷登
禮樂雍和政刑肅清 儲嗣既立封建乃行讒佞屏
四海賢俊立朝廷玉帛鐘鼓陳兩楹君臣賡歌揚頌
聲

四曩舞曲

其一 小將軍

天明君定宇寰聖恩寬掌江山東鹵西戎北狄南蠻
手高擎寶貝盤

其二 殿前歡

五雲宮闕連霄漢金光明照服玉溝金水聲潺潺
顛觀趨踏看儀鑿嚴肅百千般威人心膽寒

其三 慶新年

虎豹闔文武班五綵間慶雲朝霞燦黃金殿喜氣增
丹墀內仰聖顏翠繞紅圍錦繡班高樓十二攔笙簫
趁紫檀仙音韻瑤箏按拜舞齊歌讚吾皇萬壽安

其四過門子

定宇寰定宇寰掌江山撫百蠻謳歌拜舞仰祝讚萬
萬年帝業安

洪武十四年定

一奏炎精開運之曲

炎精開運篤生聖皇大明御極遠紹虞唐河清海晏
物阜民康威加彛獠德被戎羗八珍有薦九鼎馨香
鐘鼓鑄鑄宮徵洋洋怡神養壽理陰順陽保茲遐福
地久天長

二奏皇風之曲

皇風被八表熙熙聲教宣時和景象明紫宸開鑼筵
龍袞躍朝日金爐裊祥烟濟濟公與侯被服麗且鮮
列座侍丹扆磬折在周旋羔豚升華俎玉饌充方圓
初筵奏南風繼歌聲載篇瑤觴欣再舉拜俯禮無愆
同樂及斯辰於皇千萬年

奏平定天下之舞曲

清海宇

見前

三奏眷皇明之曲

赫赫上帝眷我皇明天命既集本固支榮厥本伊何
育德春宮厥支伊何藩邦以寧慶延百世澤被羣生
及時爲樂天福是膺千秋萬歲永觀厥成

奏撫安四彞之舞曲 小將軍 殿前歡

慶新年 過門子 俱見前

四奏天道傳之曲

馬負圖兮天道傳龜載書兮人文宣義畫卦兮禹敘
疇皇極建兮合自然綿綿曆數歸明主祥麟在郊威
鳳舞九彞入貢康衢謠聖子神孫繼祖武垂拱無爲
邁前古

奏車書會同之舞曲 秦階平 見前

五奏振皇綱之曲

周南咏麟趾卷阿歌鳳凰藹藹稱多士爲禎振皇綱

赫赫我大明德尊踰漢唐百揆修庶績公輔理陰陽
峨冠正襟佩都兪在高堂坐令八紘內熙熙民樂康
氣和風雨時田疇見豐穰獻禮過三爵歡娛良未央

六奏金陵之曲

鍾山蟠蒼龍石城踞金虎千年王氣都于今歸聖主
六代繁華經幾秋江流東去無時休誰言天塹分南
北英雄豈但啞曹劉我皇昔住濠梁屋神遊天錫真
人服提兵乘勢渡江來詞臣早獻金陵曲歌金陵進
珍饌譜八音繼三歎請觀漢祖用兵時爲嘗馮異滹

沱飯

清平七奏長揚之曲

長揚曳綠黃鳥和鳴
菡萏呈鮮紫燕輕盈
千花泥露日麗風清
及時爲樂芳尊在庭
管音嘒嘒絲韻泠泠
玉振金聲各奏爾能
皤皤國老載勸載懲
明德惟馨垂之聖經
唐風示戒永保嘉名
無己太康哲人是聽

八奏芳醴之曲

夏王厭芳醴商湯遠色聲
聖人示深戒千春垂令名
惟皇登九五玉食保尊榮
日昃不遑餐布德延羣生
天庖具豐膳鼎鼐事調烹
豈但資肥甘亦足養遐齡
達人悟茲理恒令五氣平
隨時知有節昭哉天道行

九奏駕六龍之曲

日麗中天漏下遲
公卿侍燕多令儀
簫韶九奏觴池
獻爐烟細逐祥風
吹羣臣舞蹈天顏
喜歲熟民康
若此六龍迴駕鳳樓深
寶扇齊開扶玉几
景星呈瑞慶雲多
兩曜增暉四序和
聖人道大如天地
歲歲年年奈樂何

進膳曲

水龍吟

寶殿祥雲紫氣濛
聖明君龍德宮
氤氳霧靄檜拍間
青松龍樓鳳閣
雕梁畫棟此是蓬萊洞

太平清樂曲

太清歌

萬國來朝進貢仰賀聖明主一統華彛普天下八方
四海南北東西托聖德勝堯帝保護國家太平天下
都歸一將兵器銷爲農器旌旗不動酒旗招仰荷天
地

上清歌

一願四時風調雨順民心喜攝外國將寶貝攝外國
將寶貝見君王來朝寶殿裏珊瑚瑪瑙玻璃進在丹

堦

開天門

托長生日月光天德萬萬歲永固皇基公卿文武來
朝會開瓊筵捧金杯

迎膳曲 水龍吟 同前進膳

陞座及還宮曲 萬歲樂

百官行禮曲 朝天子 俱見朝賀儀

大祀慶成大宴 萬國來朝隊舞

纓鞞得勝隊舞 萬壽聖節大宴

九彛進寶隊舞 壽星隊舞

冬至大宴 讚聖喜隊舞

百花聖朝隊舞 正旦大宴

百戲蓮花盆隊舞 勝鼓采蓮隊舞

衆樂聞定

皇天壽 奏止萬壽之曲

龍飛定萬方受天命振紀綱彞倫攸敘四海康普天
率土盡來王臣民舞蹈嵩呼載揚稱觴奉吾皇聖壽
天長

平定天下舞曲

四邊靜

歲伏千邦四彞來賓納表章顯禎祥承乾象皇基永

昌萬載山河壯

刮地風

聖主邁堯勝禹湯立五常三綱八蠻進貢朝今上頓
首誠惶朝中宰相災理陰陽五穀收成萬民歡暢賀
吾皇齊讚揚萬國來降

二奏仰天恩之曲

皇天眷聖明五辰順四海寧風調雨順百谷登臣民
鼓舞樂太平賢良在位邦家永禎吾皇仰洪恩夙夜

存誠

黃童白叟鼓腹謳歌承應曲

豆葉黃

雨順風調五谷收成倉廩豐盈大利民生托賴着洪
恩四海清鼓腹謳歌白叟黃童共樂咸寧

四彛舞曲

小將軍

順天心聖德誠化蕃邦盡朝京東彛歸服舞于龍廷
貢皇明寶貝擎

殿前歡

四彛率土歸王命都來仰大明萬邦千國皆歸正現
帝庭朝仁聖天階班列衆公卿齊聲歌太平

慶豐年

和氣增鸞鳳鳴紫霧生祥雲朝霞映燦金爐香味齋
列丹墀御駕盈絃管簫韶五音應龍笛間鳳笙

渤海令

金杯中酒滿盛御案前列羣英君德成皇圖慶嵩呼
萬歲聲

過門子

聖主興聖主興顯威靈變晏靜至仁至德至聖明萬
萬年帝業成

三奏感地德之曲

皇心感地靈，順天時，厚德生含弘，光大品物亨，鍾奇
毓秀，產俊英，河清海晏，麟來鳳鳴，陰陽永和平，相我
文明。

車書會用舞曲

新水令

錦衣花帽，設丹墀，具公服，百司同會，麟至舞鳳來儀。
文武班齊，朝賀聖明帝。

冰仙子

八方四面，統華燹，天下蒼生仰聖德，風調雨順，昇平
世，遍乾坤，皆讚禮，托君恩，民樂雍熙，萬萬年，皇基堅。

固萬萬載江山定體萬萬歲洪福天齊

四秦民樂生之曲

世間的萬民荷天地感聖恩乾坤定位四海春君臣
父子正大倫皇風浩蕩人心載醇熙熙樂天真永戴
明君

表正萬邦舞曲

慶太平

奸邪濁亂朝綱搆禍難煽動戈斨赫怒吾皇親征壩
上指天戈敵皆降

武士歡

白溝戰場旌旗雲合迷日光令嚴氣張三軍踴躍齊
奮揚掃除殘甲如風蕩凱歌傳四方仁聖不殺降望
河南失攬槍

滾繡毬

肆旅拒恃力強一心構殃築滄洲百尺城隍騁蔓毒
恣虎狼孰能禦當順天心有德降冒倒戈斂甲齊歸
降撫將生還達故鄉自此仁聞愈彰

陣陣羸

不數孫吳兵法良神謀睿算合陰陽八陣堂堂行天
上虎畧龍韜孰敢當俘囚十萬皆踈放感荷仁恩戴

上蒼

得勝回

兩傍四方展鳥翼風雲雁行出奇兵敵難量士強馬強
通百里眠旌卧鎗勝兵回樂洋洋

小梁洲

敵兵戰敗神魂喪擁貔貅直渡長江間市門肆不移
宣聖恩如天曠綸音頒降普天下仰吾皇

五奏感皇恩之曲

當今四海寧頌聲作禮樂興君臣慶會躋太平衣冠
濟濟宴彤庭文臣武將共荷恩榮忠心盡微誠仰答

皇明

天命有德舞曲

慶宣和

雨暘風調萬物熙一統華彞四野嘉禾感和氣一榦
百穗一榦百穗

窄甌兒

梯航萬國來丹陛太平年永固洪基正東西南北來
朝會洽寰宇布春暉四彞咸賓聲教美自古明王在
慎德不須威武服戎敵祥瑞集鳳來儀佳期萬萬歲
聖明君主華彞

六奏慶豐年之曲

萬方仰聖君大一統撫萬民豐年時序雨露均復穰
五穀貨財殷酣歌擊壤風清俗醇四彙悉來賓正統
皇仁

七奏集禎應之曲

皇天眷大明五星聚兆太平騶虞出現甘露零野蠶
成繭嘉禾生醴泉湧地河水清乾坤萬萬年四海永
寧

八奏永皇圖之曲

天心眷聖皇正天位撫萬邦仁風宣布禮樂張戎彛

稽首朝明堂皇圖鞏固賢臣贊襄太平日月光地久
天長

九奏樂太平之曲

皇恩被八紘三光明四海清人康物阜歲屢登含哺
鼓腹皆懽聲民歌帝力唐堯至仁乾坤永清共樂太
平

導膳曲

迎膳曲

進膳曲

俱與洪武間同

陞座

還宮

百官行禮

樂曲俱同朝賀

太祀慶成

纓鞭得勝蠻彘隊舞

萬壽聖節

九彘進寶隊舞

冬至節

讚聖喜隊舞

正旦節

百戲蓮盆隊舞

嘉靖間續定慶成宴樂章

陞座樂曲

萬歲樂

五百昌期嘉慶會啓聖皇龍飛天位九州四海重華

日大明朝萬萬世

五百官行禮樂曲

朝天子

滿前瑞烟香繞蓬萊殿風回韶律鼓淵淵列陸上旌

旗綯日至朱躔陽生赤甸氣和融徹上元歷年萬千
長慶天宮宴

上護衣上花樂曲 水龍吟

寶殿金爐瑞藹浮陳玉案列珍羞天花炫彩照耀翠
雲裘鸞歌鳳舞虞庭樂奏萬歲君王壽

一奏上萬歲之曲

聖主垂衣裳興禮樂邁虞唐簫韶九成儀鳳凰日月
中天照八荒民安物阜時和歲康上奉萬年觴衍祚
無疆

奏平定天下舞曲

四邊靜

天啓嘉祥聖主中興振紀綱頌洋洋功蕩蕩國運昌
昌萬歲皇圖壯

鳳鸞吟

維皇上天祐聖明景命宣五雲輝三台潤七緯光懸
協氣生嘉祥見正萬民用羣賢垂衮御經筵宵衣勤
政殿禮圓丘大祀精虔明水潔蒼璧圓秉周文承殷
薦眷皇家億萬斯年

二奏仰天恩之曲

皇穹啓聖神欽乾運祇明禋一陽初動霽先春萬福

來同御至仁祥開日月瑞見星辰禮樂協神人宇宙
咸新

迎膳曲

水龍吟

春滿雕盤獻玉桃葭管動日輪高燠微霽色遙映袞
龍袍千官舞蹈鈞韶迭奏曲度昇平調

進膳曲

水龍吟

紫禁瓊筵煖應冬驟八螭乘六龍玉卮瓊竿蔽座獻
重瞳堯天廣運舜雲飛動喜聽賡歌頌

進湯曲

上清歌

雲捧宸居五星光映三台麗
仰日月層霄霽仰日月
層霄霽中興重見唐虞際
太和元氣自陽回兆姓歡
愉

開天門

九重霄日轉皇州曉
燕天家共歌魚藻龍鱗
雉尾高
祝聖壽慶清朝

點
奏黃童白叟鼓腹謳歌承應曲

御鑾歌

雅奏樂昇平瞻絳闕集瑤京黃童白叟喜氣盈謳歌
鼓舞四海寧金枝結秀玉樹含英聽康衢擊壤聲帝
办難名

三奏感昊德之曲

帝德運光明一陽動萬物生升中大報蒼璧陳禮崇
樂暢歆太清星懸紫極日麗璇庭乾坤瑞氣盈海宇
安寧

奏撫安四晏舞曲

賀聖朝

華晏一統萬國來朝同獻方物修庭貢遠慕皇風自

南自北自西自東望天宮佳氣鬱重
重四靈呈祥
鳳龜龍

殿前歡

瑞雲晴靄浮宮殿一脈陽和轉禮成交泰開周宴鳳
笙調龍幄展天心感人懼忭四海謳歌徧

慶豐年

賴皇天錫豐年勤禹稼力舜田喜懌三農願嘉禾秀
瑞麥鮮賦九州貢八埏神倉御廩咸充滿養民以養
賢

新水令

聖德精禋格昊穹大一統四彝來貢玉帛捧文軌同
世際昌隆共聽輿人頌

太平令

誕明禋天鑒元后光四表惠澤周流來四裔趨前擁
後獻萬寶充庭滿園稽首頌首天高地厚祝聖人多
男福壽

四奏民樂生之曲

大報禮初成象乾德運皇誠神州赤縣永清寧靈雨
和風樂太平陰陽交暢品物咸亨元化自流行允殖

羣生

迎膳曲

水龍吟

五色祥雲捧玉皇
開闔闔坐明光
鈞天樂奏冬日御筵
張文恬武熙太平景象
人在唐虞上

進膳曲

水龍吟

玉律陽回景運新
燕鎬京藹皇仁
光昭雲漢一氣沸韶
韻錦琴和聲瑤琴清
韻瞻仰天顏近

進湯曲

太清歌

萬方民樂時雍鼓舞荷天工雷行風動喜今逢南蠻
批貂東爨西戎來朝貢大明宮星羅斗拱九重天上
六飛龍五色雲間雙彩鳳普天率土效華封允協河
清頌

秦車書會同舞曲

新水令

並雲深護九重城感洪恩一人有慶陽初長禮方行
帝德文明表率邦家正

水仙子

萬友安堵樂康寧九域同仁荷聖明千年撫運承天

命露垂甘河獻清見雙岐秀麥連其喜靈雲隨冬應
觀祥雲拂曙生神與化並運同行

五奏感皇恩之曲

雙闕五星光電旌樹紫蓋張璇臺玉曆轉新陽鈞玉
廣樂諸宮商恩深露湛喜溢霞觴日月煥龍章地久
天長

奏表正萬邦舞曲

慶太平

惟天眷我聖明禮園丘至德精誠乾元永清洪膺景
命休徵應泰階平

千秋歲

聖主乘龍御萬邦慶雲翔化日重光羣臣拜舞稱壽
觴載歌天保章

添繡球

五雲車度九重利見飛龍耀袞章火藻華蟲擊虎故
考鳧鐘鼗鼓逢逢八珍列九鼎豐隆克眉揚彩舜重
瞳萬國咸熙四海雍齊歌頌聖德神功

殿前歡

萬年禮樂中興大化觀重熙河清海晏臻祥瑞五行
順七政齊超三邁五貞元會既醉頌鳧鷖

天下樂

萬靈朝拱接清都
享南郊欽天法
祖願聖人承乾納
祐中和位育龜呈範
馬陳圖

醉太平

禮樂萬年規
謳歌四海熙
衣冠蹈舞九龍墀
麗正仰南離
紫雲高捧唐虞帝
垂衣天下文明治
鎬烏岐鳳呈嘉瑞
真箇是人值成周世

六奏慶豐年之曲

聖人懋承乾
綏萬邦屢豐年
神倉御廩登天田
明棗鬱曳祀孔虔
輿情咸豫協氣用宣
萬古帝圖傳璧合

珠聯

七奏集禎應之曲

天保泰階平寶露降渾河清嘉禾秀麥集休禎遐敵
絕域喜氣盈一人有慶百度惟貞萬國頌咸寧麗正
重明

八奏永皇圖之曲

錦燕集天京頌魚藻歌鹿鳴邊陲安堵萬國寧重譯
來庭四海清咸池日曙昧谷雲烝帝座仰前星豫大
豐亨

九奏樂太平之曲

皇極永登祥乾符啓泰運昌玉管回春動一陽金變
錫燕歌九章虞庭歌舞岐山鳳翔日麗袞龍裳主
臣良

迎膳曲

水龍吟

香霧氤氳紫閣重仰天德瞻帝容星輝海潤甘雨間
和風樂比鳶魚瑞呈麟鳳永獻卷阿頌

進膳曲

水龍吟

蒿肅千門啓建章台階峻帝座張三垣九道北斗玉

衢光元氣調和雅韻鏗鏘昭代慶明良

太清歌

萬方國畫來庭稽首歌帝仁仰荷生成振乾綱陰陽
順序民物樂生逢明聖萬年春永膺休命華爨蠻獠
咸歸正蒼生至老不知兵鼓腹含哺囿太平九有享
清寧

奏天命有德舞曲

萬歲樂

太平天子興隆日履初長陽回元吉醴泉芝草休徵
集魯聞道五星聚室

賀聖明

六人元良百度維新握赤符
疑元應享太清大禮
行祀事孔明感天心億載恒承慶
明王慎德四彝咸賓

奏纓鞞得勝蠻桑隊舞承應曲

醉太平

星華紫殿高雲氣彤樓遠九疊重
譚梯航到皇圖光
八表玉宇無塵明月皎銀河自轉
扶桑曉平平蕩蕩
歸王道百獸舞鳳鳴籥韶

看花會

普天下都賴吾皇至聖看玉闕頻欵天山已定四彝
效順歸王命天保歌羣黎百姓

天下樂

九重樂奏萬花開望龍樓雲蒸霧霽仰天工雍熙帝
載臣民懽戴溥仁恩遍九垓

清江引

黃鐘既奏陽和長德盛天心既人文日月明國勢山
河壯衢室民謠頻擊壤

奏致語曲

清江引

鈞天畢奏日方中既醉催聲動雲章傍策龍
威鳳萬方安樂興嘉頌

千秋歲

上下交權燕禮成一陽奮萬彙成亨風雲會合開明
運紫極轉璇衡

宴畢百官行禮曲

朝天子

文班武班歡動承明殿禮成樂備頌聲喧真咫尺仰
天顏日照龍筵風回雉扇翠蕤旋奉仙鑾雲間斗間
五色金章燦

還宮曲

萬歲樂

天回北極雲成瑞望層霄重華日麗九域八極樂雍
熙祝聖壽萬萬歲

小宴樂

永樂間定

樂器

殿內備食器簫二笙二箏二琴二丹陛大樂笙二篴二頭
管二箏二鼓一板一杖鼓一

樂章

一奏本太初之曲 朝天子

混兮沌兮水土成元氣不分南北與東西未辨天地萬象包涵其中秘密難窮造化機是陰陽本體而謂之太極兩儀因而立

二奏仰大明之曲 歸朝歡

太極兮混然方始見儀形清浮濁偃乾坤定日月齊興照青霄萬象明陽須動陰須靜陰與陽皆相應流行二氣萬物俱生

奏百戲承應

三奏民初生之曲 沽美酒

乾坤清宇宙寧六合淨四彝正萬象原來一氣生定
三才五行民與物共成羣

合意太平令

爲一類不分人品竟生食豈曉庖烹避寒暑巢居穴
遁披樹葉相尋趁如何是愛親世情治生雖混然各
安其性

奏百戲承應

四奏品物亨之曲 醉太平

黎民生世間萬物長塵寰陰陽交運轉循環久遠時
庶繁相傳氣候應無間品物交錯憑誰鑒望聖人出

世整江山主萬民得安

樂奏百戲承應

五奏御六龍之曲 清江引

人心久仰生聖君天使人生聖聖人受天機體天居
中正御六龍聖明登九重

碧玉簫

君坐神京海嶽共從新民仰君恩聖治有人倫人品
分萬物增聖承乾百福臻垂法明尊天命興後朝皆
從正

樂奏百戲承應

六奏泰階平之曲
十二月

聖乃有言天天是無聖聖人臨正萬物亨通恩威
盛社稷安仁德感江山定選用英賢興王政分善惡
賞罰均平三公九卿左右股肱庶事康寧

奏百戲承應

七奏君德成之曲
十二月

皇基以興聖帝修身奉天體道聖德愈明敬天地勤
勞萬民立法度上下咸寧

堯民歌

風俗禮樂厚彞倫爰興學校進儒經賢臣良將保朝

廷四海人民頌歡聲用的是賢英賢英定太平寰海
皆歸正

奏百戲承應

八奏聖道行之曲

金殿萬年歡

三綱既定九疇復興聖道如天嘉禾齊秀寒暑和平
聖威無邊皇基穩勝磐石慶雲生景星長現三光輝
耀百穀收成萬姓安寧

得勝令

聖德感皇乾甘露降山川萬邦來朝貢奇珍擺布全

玉階下鳴鞭仰聖主升金殿丹墀列英賢讚吾皇豐
稔年

奏百戲承應

九奏樂清寧之曲普天樂

萬邦寧皇圖正父君母后天下咸歡君治外永聖明
后治內常安靜後聖從乾皆從正德相傳聖子神孫
天威浩蕩江山永固洪福無窮

沽美酒

和氣生滿玉京祥烟起映皇宮明聖開基整萬民風
雲會帝庭奏簫韶九韻成

太平

紫霧隱金鸞彩鳳祥光罩良將賢臣玉案列珍羞
醞寶鼎爨龍涎香噴至尊永寧儲嗣守成賀萬萬歲
一人有慶

奏魚躍于淵承應

進膳曲 水龍吟 同前

陞座 還宮曲 萬歲樂 同前

百官行禮曲 朝天子 同前

奉天門宴百官止用本太初仰大明民初生三奏曲
其進酒進膳樂同惟百官叩頭禮用朝天子曲宴畢

導駕旋宮用御樂歌

嘉靖開仁壽宮落成宴享樂章

一奏本太初之曲 朝天子

帝誠帝明寶位基昌命仙苑開筵歌鹿鳴亭殿天章
映我有嘉賓鼓瑟吹笙示周行昭德音日升月恒萬
載皇圖正

二奏仰大明之曲 殿前懽

天保定聖人多壽壽男慶修和禮樂麗正重明如山
阜如岡陵如川方至莫不增協氣生禎祥應百福受
命萬國來庭

三奏民初生之曲 沽美酒

黃河清寶露凝瑞麥呈靈鶴鴈諸福來同仰聖明
萬寶告成占景緯泰階平

太平令

念農桑衣食之本仰君德獨厚民生事耕鑿羣黎百
姓歌鹿鳴神人胥慶明主宴嘉賓承篋鼓瑟吹笙繼
自今福增天定

四奏品物亨之曲 醉太平

璫宮怡聖顏閭苑隔人寰吹笙鼓瑟賓旨酒天開宴
處鳴歌舞黃金殿賴吾皇錫福萬民安醉歌天保歡

五奏御六龍之曲 清江引

聖主有道樂昇平燕會延休慶務本軫民生弘化凝
天命忻落成萬載開鴻運

碧玉簫

帝重農桑法駕起明光鱗游鳳翔宴陳天保章開玳
筵薦瑤觴既醉頌洋洋聖德感皇恩蕩世際唐虞上
進膳曲

水龍吟

寶瑟瑤笙鼓吹喧聖天子御華筵南山萬壽瑞日正
中天百穀豐年八方珍膳人樂昇平宴

太清歌

祥麥嘉瓜臻瑞仰荷堯舜主愛育羣黎感天意
十雨秋報春祈徧爾德勸農桑日月衣食嘉賓和樂
開筵地紅雲捧雕盤珍味山呼萬歲福無疆日升川
至

上清歌

仰賴吾皇參天兩地凝和氣四三王六五帝國家興
賢才爲上瑞養萬民九域熙百祿咸宜

開天門

寶殿輝龍虎風雲會瞻丹陛覲紫微周詩歌既醉姦

斯麟趾闡祥瑞仰飛龍在天位

曲風亭宴講官樂章

一奏本太初之曲 朝天子

九重詔傳殿閣開秋宴授衣時節肅霜天禾稼登場
編鼓瑟吹笙昇平重見工歌七月篇春酒當筵獻願
垂聖萬年歲歲臨西苑

二奏仰大明之曲 殿前歡

鳳苑御筵開黃花映玉階鹿鳴天保歌三代古調新
歲奉君王萬壽杯日月明乾坤大看年年秋報賽太
平有象元首明哉

三奏民初生之曲 沽美酒

熙春陽化日長執懿筐采桑桑拾爾綵有萬箱染
黃孔陽爲公子製衣裳

太平令

勤樹藝歲年豐穰九十月禾麥登場爲春酒瓊浮新
釀村田樂齊歌齊唱享公堂殺羊舉觴繼進著兕觥
祝聖壽萬靈扶相

四奏品物亨之曲 醉太平

納嘉禾滿場釀御酒盈缸公桑蠶績製元黃服龍衣
袞裳螽斯蟋蟀諧清唱水光山色明仙仗幽風亭殿

進霞觴祝聖壽無疆

五奏御六龍之曲 清江引

九月風光何處有
鳳苑在龍光
右農夫稼已登
公子求方授萬歲
君王頻進酒

碧玉簫

凡我生民農桑最苦辛
終歲經營氣候變
冬春田畝欣
婦子勤詠
幽詩仰化鈞
場圃新風雨
順宴御堦
龍顏近

進膳曲

水龍吟

養老休農敞御筵，馮春酒介耆年。
封羊剪韭社，傲正
蘭闈香粳米，穎升堂拜獻。此樂真堪羨。

太清歌

九月天開西苑宸，居無逸殿講幄張。
筵集儒流雲葉星，炫壁緯珠纒暗御製煥。
天章昭回雲漢堯天舜日，民安晏御廩神倉。
百穀登金輝玉燦，休徵見大有豐年。

上清歌

鳳苑宸居公桑帝，藉令方舉躬耕蠶。
勸士女獻羊羔，拜堂奏樂舞葵藿。
棗壺上珍厨萬壽山呼。

開天門

肅風亭共仰吾皇聖百穀登萬國咸寧民康物阜禎
祥應仰乾運俯坤靈

隆慶間大閱禮戒四鑾樂章

秦武戒之曲

吾皇閱武成簡戎旅壯帝京龍旗照耀虎豹營六師
雲擁甲冑明威靈廣播蠻裔震驚稽首頌昇平四海
澄清

化皇親蠶宴內外命婦樂章

春香陛座奏天香風韶之曲

春雲綠繞芳郊曙喜乾坤萬象咸舒
蘭皋應爾迎山
馭采柔條攀茂樹蠶宮繭館親臨御璧月珠星照
虛開筵還駐翠銷旂萬載垂貞譽

進膳曲

沽美酒

蠶禮成鳳輦停薦霞觴列雲屏宮妃世婦仰坤寧祥
雲映紫冥同祝頌耀前星

回宮御饗歌

惟天啓聖皇君耕籍后躬桑身先由織率萬邦天清
地寧民阜康百穀用成四彛來王治化登虞唐世發

禎祥

東宮宴樂

永樂間定

樂器

侑食樂簫四笙四箏二迎膳樂戲竹二笙四笛四頭
管四箏二琵琶二鼓三板二杖鼓四

樂章

一奏喜千春之曲 賀聖朝

憐國承天聖感極多總一統封疆潤百姓快活萬物
樂先共沐恩波仙音韻合讚昇平詠歌齊朝拜千千

歲東宮滿國春和

二奏永南山之曲 水仙子

洪基永固海波清
盛世明時禮樂興
華舜一統江山
靜民通和樂太平
讚東宮仁孝賢
明秉鈞衡端正順
乾坤泰亨坐中華
萬世昌寧

奏百戲承應

三奏桂枝香之曲 蟾宮曲

曉光融燕享春宮日
朗風和喜氣葱葱
鎮領台樞規
宏綱憲禮節至公事
聖上柔聲婉容問
安寧勤孝虔
恭果斷寬洪剛健
文明聖德合同

奏百戲承應

四奏初春晚之曲 小梁州

端拱宸事紫微東運璇璣四時百物總相宜仰賴
明君德大業勝磐石皇儲仁孝明忠義美遐方順化
朝儀孝能歡慈愛心敬篤尊卑意上和下睦民鼓舞
樂雍熙

奏百戲承應

五奏乾坤泰之曲 滿庭芳

日和玳筵安邦興國欽聖尊賢文英武烈於民使禮
樂成全亨大業中庸不偏順天常節儉爲君建文

嚴儀訓典孝敬億千年

奏百戲承應

六奏昌運頌之曲 喜秋風

文武安軍民樂宴文華會班僚五雲齊動鈞天樂賀
春宮讚皇朝

奏首戲承應

七奏奏道關之曲 治美酒

淑馨風滿畫樓對嘉景鳳凰洲高捧盞波碧玉甌設
威儀由在齊嘉從列公侯

奏友華令類

效靈並誠心勤厚主宗器嚴備春秋讚律呂仙音齊
奏欽正政皇天保佑拜舞頓首讚祝進酒千千歲康
享福壽

迎膳樂曲

水龍吟

方響笙簧鼓樂喧排寶器開玳筵鑿儀旌節錦繡景
相連簪纓趨進皆來朝見春滿文華殿

陞座

還宮

千秋歲

見前朝賀儀

王國樂附

洗祭宗廟用樂生三十六人鐘磬各一懸二琴分

虎簫笛各二笙四祝敵略一搏拊二瑟三舞生七
并二人文舞三十六人各執引籥武舞三十六人各
執干戚中各以二人爲羽舞其冠服與三朝樂舞同
跪朝賀同吹樂樂工二十七人戲竹二頭管四笛四
杖鼓十二大鼓一板一冠服用紅絹絲畫背方花
小袖單袍有花鼓吹冠錦臂鞞皂靴抹頰用紅羅彩
畫束腰用紅絹

充宴禮設細樂于殿內大樂于殿外殿內備食樂工
八人簫立笙立箏立笛立板一迎膳大樂工八人戲
竹立笛立杖鼓二小鼓一板一其冠服皆用紅絹彩

畫背方花小袖單袍有花鼓吹冠錦臂鞞皂靴抹
額用紅羅彩畫束腰用紅絹

明史

職官志攷

有明官制初猶襲元之舊自洪武十三年罷中書省
政歸六部各專職掌分大都督府為五以征調隸於
兵部而無內重之憂外設都布按三司分隸兵刑錢
穀以聽于府部而無外重之患慮官邪則有都御史
六科巡按御史以糾察之慮寃獄則有大理寺通政
司暨登聞鼓以申雪之自京朝大臣以至邊陲下吏
莫不因事設官由名覈實毋虛位毋冗員也乃自定
為于北而留都復列各署從古陪京未有擬員于政

本則于京朝大臣為重出矣。自遣督撫于各布政司，而于各府監司既設，分守又設，分巡又設，兵備九羊，十牧牽前曳後，而外吏精神惟在善事逢迎矣。自衛所之多，寄俸一衛之中，三等指揮坐食者嘗十餘管，事者不一二計，天下五百餘衛，三千餘所，冗食且數萬人，而軍政紊廢矣。而其大壞極弊則尤在使奄。自昔漢唐開宦之禍，止在宮禁，而有明自京營以至邊鎮，布滿中外，借王人之一言以薰腐刑餘，儼泣朝紳。上使回通者用為神叢，方直者耻為婢膝，而大小臣工氣節沮喪矣。於是論者謂明初制未嘗不善，其不

善者後嗣之弗率舊章使然也固也而又謂明罷宰相遂使胡蓋之後終無叛臣亦無叛將則尚有說焉夫引繩而絕之不於此則於彼非必有異也始終為明禍以亡其國者非宦官乎有宰相以為天子股肱亦為天子師傅芒寒色正於朝端天子猶知檢策佞倖猶知畏忌是故申屠嘉得立召鄧通欲致之死韓魏公得拘致守忠卒加遣斥袞職有缺尚可有所補也自宰相罷而臣下惟以奉行詔旨為事而此風殊邈矣雖云內閣無宰相之名有宰相之實究之品位輕而大權無寄於是奄人得盡拾而據之數有明內

聞其表表者亦不免乞念人之殘膏剩馥為能事
是建官不易之則乎此又推本立法之微意也為詳
著其品員職掌沿革作職官志